



Pou Piblikasyon Imedya: 22/12/2022

GOUVÈNÈ KATHY HOCHUL

## GOUVÈNÈ HOCHUL ANONSE 21 MILYON DOLA POU EDE NOUYÒKÈ KI GEN REVNI KI FÈB AK MODERE YO REPARÉ OSWA RANPLASE KAY YO

*67 sibvansyon ap sipòte reparasyon ak modifikasyon aksè ki enpòtan*

*Finansman an ap ede granmoun, ansyen militè ak moun ki andikape yo*

Gouvènè Kathy Hochul te anonse jodi a gen 20.7 milyon dola sibvansyon ke yo prevwa pou sipòte reparasyon ak modifikasyon ki enpòtan pou plis pase 800 kay atravè eta a. Finansman an fèt pou ede pwopriyetè kay ak lokatè yo, ki enkli granmoun, ansyen militè, ak moun ki andikape yo, viv nan tout sekirite epi nan fason endepandan lakay yo, revitalize katye yo, epi ranfòse ekonomi lokal yo.

"Twò souvan, reparasyon ak modifikasyon pou aksè nan kay yo pa nan nivo finansye pou Nouyòkè ki gen revni ki fèb ak modere yo," **Gouvènè Hochul te deklare.** "Asistans 21 milyon dola sa ap bay 800 Nouyòkè, ki enkli granmoun ak ansyen militè, resous ki nesesè pou genyen yon kay ki sekirize epi estab nan pwòp kominote yo."

67 sibvansyon yo se Biwo Renouvelman Kay ak Kominote Eta New York (New York State Homes and Community Renewal) la ki administre l epi bay òganizasyon san bi likratif ak minisipalite yo atravè yon pwogram eta ak federal, ki genyen ladan l: RESTORE, Access to Home (Aksè NAN Kay), Access to Home for Heroes (Aksè nan Kay pou Ewo yo), Access to Home for Medicaid Recipients (Aksè nan Kay pou Benefisyè Medicaid yo), Mobile and Manufactured Home Replacement, MMHR (Ranplasman Kay Mobil ak Kay Prefabrike), ak Pwogram HOME Eta NY la. Estrikti prim Administrasyon Pwogram Lokal (Local Program Administration) sa, eksplwate ekspètiz kolaboratè lokal yo epi elaji aksè pwogram sa yo nan tout eta a.

Anons jodi a konplete plan global Gouvènè Hochul yo pou fè lojman vin pi abòdab, ekitab, epi estab. Nan Bidjè Ane Fiskal 2023 Eta a, Gouvènè a te entwodui epi li te reyisi sekirize yon nouvo plan lojman konplè sou senk an ki koute 25 milya dola, k ap ogmante apwovizyonman lojman lè li kreye oswa prezève 100,000 kay nan pri abòdab nan New York, ki enkli 10,000 avèk sèvis soutyen pou popilasyon vilnerab yo, plis elektrifikasyon yon lòt 50,000 kay.

Sibvansyon yo se:

### **11.6 milyon dola pou ede 418 pwopriyetè kay atravè Pwogram HOME Eta NY la.**

Yo itilize fon pwogram yo pou achte ak/oswa reyabilite lojman pou yon sèl fanmi, ofri èd pou pèman inisyal, ranplase kay mobil ak kay prefabrike ki fin kraze, epitou ofri èd pou lwave pou lokatè fanmi ki gen revni ki nan nivo 80 poustan Revni Mwayen Rejyonal la oswa ki pi ba.

### **3.5 milyon dola pou ede 165 pwopriyetè kay atravè Pwogram RESTORE la.**

Pwogram RESTORE (Residential Emergency Services for the Elderly: Sèvis Rezidansyèl Ijans pou Granmoun yo) ofri resous finansye pou redevlope oswa elimine estrikti ki degrade yo epi ede granmoun pwopriyetè yo viv nan fason ki endependan lakay yo lò yo abòde ijans ak vyolasyon kòd ki poze yon menans pou sante ak sekirite yo. [Lejislasyon Gouvènè a te siyen](#) ane sa elaji RESTORE pou bay plis benefis ak yon delè ki pi fleksib pou pwopriyetè granmoun ki gen bezwen reparasyon ijan yo.

### **2.2 milyon dola pou ranplase 25 kay nan pwogram Ranplasman Kay Mobil ak Kay Prefabrike a.**

Fon an ede fanmi ki gen revni ki fèb ak revni modere yo ranplase kay mobil oswa kay prefabrike ki fin kraze yo ki plase sou teren ki pou mèt kay la avèk yon nouvo kay prefabrike, modilè oswa ki konstwi sou plas.

### **1.3 milyon dola pou ede 85 pwopriyetè kay atravè Pwogram Aksè nan Kay pou Benefisyè Medicaid yo.**

Pwogram nan bay asistans finansye pou rann inite rezidansyèl yo aksesib pou pwopriyetè kay ki andikape ki kalifye pou Medicaid yo.

### **1.1 milyon dola pou ede 71 pwopriyetè kay atravè Pwogram Aksè nan Kay la.**

Pwogram nan sipòte modifikasyon aksè pou pèmèt moun ki gen revni ki fèb ak modere ki andikape yo rete nan tout sekirite lakay yo.

### **940,000 dola pou ede 43 fanmi ansyen militè atravè pwogram Aksè nan Kay pou Ewo yo.**

Pwogram nan finanse modifikasyon aksè nan kay ansyen militè ki gen revni ki fèb ak modere ki andikape yo.

Ou ka jwenn lis Administratè Pwogram Lokal ak minisipalite ki resevwa pri yo [isit la](#).

**Komisè Biwo Renouvelman Kay ak Kominote a, RuthAnne Visnauskas, te deklare,** "21 milyon dola asistans n ap bay jodi a ap sipòte reparasyon ak ranplasman kay ki enpòtan anpil pou rezidan ki pi vilnerab nou yo - granmoun, ansyen militè, adilt ki andikape, ak moun ki gen revni fiks oswa limite. Sa ki enpòtan, pwogram sa yo abòde reparasyon ijan, modifikasyon aksè, epi ranplase kay fabrike ki ansyen pou rezidan sa yo ka rete viv nan fason ki konfòtab epi nan pri ki abòdab nan plas ke yo rele lakay yo."

###